



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 8 (5282)
2026 по'
февраль иры'
21 яля
СУББОТА

Российская Федерация Ямало-Ненецкий автономный округ



Сидяңг: Сергей Зубов: талтавы

Ңарка соя"ма' яляда

2

По' ямбан' җатена"махадандо'

По' ямбан' җатена"махадана" ты пэртя" Сянакова' яля" пэ-яд". Хэбидя" ялэна" ты" ниць иры' това' нерцю' малеңгуд". Ңокханда округна" тиңгывна сидя ю" мат" хардахана тарем' ма"люрта". Хэвы сидяныланава-хана җарка ненадо хэбидя ялям' Нядаңгарад' няна мэ"җаваць. Хусувэй по' пыдо' яндо' няна нерня мэцетыва".

Тюку по' ты пэртя" няхар" юдимдей мэва' пирдырҗаць. Яна" җэвахана мэна ервана" ненадо җуда' терм' матопиць. Округна" ханярид юкад вата хасую" сёбар" мандал" товыць. Тёняҗы хахая-да Хаби" яхад җэда" җани' та-няць. Ңокханда пирдырмы 190 ненэҗясь. Сямянхат җокавна Ямальной район' няд товыць, сиднет мандалтонзь. Ңани" нидо' нядандо' тянёркаць. Тасу' я' няд тетрись. Нядэй яхад няхар". Пэ" няд, Пяку" яхад, Шурышкарской районхад җопой"мана ма"лавыць.

Ненадо Сянакова' ялям' нермбэртява" Дмитрий Артюхов нэмбидась. Хэтуванда вадида маня" нунаҗэ ёльце җатейнаць.


Ты пэртяха", хардахана иленаха", хэвняд ядэртаха" ма"нисяв:

– Няхар" юдимдей мэва' тюку ян' ма"люрҗава". Пэдарата яха-на сяхаринда сидна" сававна ядабтасеты". Ңобт' тэвавана" сер' тецьдахартада яңгода то"олха. Ненэҗя" няхато' тэри маймби". Яна" җарка ерв' табеконна Тодо" тэнз" ненэҗие" җоб' няю' нятва' пом' мэ"җава". Ненэҗянда җод" җэрм' тер" ила' саирм' тамна хан-няхартана тарем' нир манэт". Тарҗа хэбидя ялярихина манэтар. Ңадьбьата ты пэртя" Сянакова' ялэ хуркари" марка"на, нюдяко" хардахана сертабина". Хой' няҗы илм' ехэранахана тикэр неовна нюрҗам'.

Яля' ер' нерцюна подермы хан' ты манэ"лабтамбиць. Тыто' ё" иня", сёя"мя", ям- дётана" пелей" иня" җули" сомбояць. Ңобкарт җобтолас халцо"лы, пясик, сян яңгусь. Хусувэй хибя ханяҗы хан сава җэвам' харта тасла, тэра пирҗадась: падроко җэҗя' мю' моёпиць. Пуна сырахад җонавы җарка пирмда"ма' хэвувна ханодо' валкака ядаць. Сэй"махадандо' таранаха", сё мэтаха" сырць пэй-наць. Сёбар" ненэҗя" җоб" пуд җадимяць. Ңамгэ яхад җэвамдо' хамэдава' пирась. Си"ив яхад

товы" малыҗито' таңга", махато' няна пададыдо' мал' яңгаць.

Сянакова' ялям' нэ"махадандо'



сюрамбахая няхар" мэва санарма, хулей-ма. Тикы' ирмня сидя яля' сер' «Кочевая семья» конкурс, лекар" сертабада" «Медицина – всем и каждому», «Ты пэртя, сензан җа"», «Чтобы сберечь традиции – сохрани здоровье» акция" җаць. Сё мэти" «Открытый микрофон», «Магия тундры» няби «Три солнца» концертха' җаханзь.

(Пеляда 4-5 стр. җа)

Анна Яптикы' падвы



Сидяңг: Анна Яптикы' талтавы"

Тына" җамза" җавыдо"җа"



Сидяңг: Марина Ярой' талтавы

Округва" сямь-хат җока ты" яңэ толы. Ңадьбьата хабартава' ёльҗаңгана танияна манзарана" ненэҗя" планодо' томдабидо'.

2 стр. җа

Тохолкова' подо' тензебтевы"




Сидяңг: Галина Кинчина' талтавы

Ямал' тиңгэвна илена" җаңекеы" манзаядамдо' то-холаванзь Салехардан' то-сеты". Тад тованда по-хона педагогической колледж пили" нерде җади"махаданда 95 поңэ хандась.

3 стр. җа

Тэхэ"на манслана" мянадыш"

Дюлкат ва'та кашем'дюл мянадыта", шанат дют ты" кан". Надым' нимита кадтыхина тэхэ"на ман-слани" шана'кома дядям мэ"җаш".



Татма: Андрей Пяк талтавы

6 стр. җа

Тына'' җамза'' җавыдо''җа''

Округва'' сямьхат җока ты'' яңэ толы. Җадьбят хабартава' ёльцяңгана таяна манзарана' ненэця'' планодо' томдабидо'. Лимбя' ирыхына небо' ханзер'' ты'' җамза' нямна планм' томдавамдо' ваде''җаць. Серона' сава җэвы''.

Ямална'' тигывна җокханда 405 тонна ты'' җамзам' җыдавы''. Тикадо' тамна тыхакуй пон' тасла сидя юкад вата няхар'' тонна' пирувна җока җэвы. Сямьхат җокам' «Ямальские олени» няби «Тазовские олени» предприятийха' няна хадавы''. «Тазовские олени» предприятий' җэвахана мэна Алексей Рожков тарця вадам' мэ'җась:

– Районханана'' юр'' мян' мяд' тер'' тыдо' хабарталваха' тэвравы'' җэңгу''. Ты пэртя' есьдо' ёльцяңганандо' ня'' марпидонзь. Ненэцяңг'' тыдо' хабар''махадандо' ю'' яля' пиркана есьдо' җэдарамамбидонзь.

Алексей Рожков' вадавна тэхэ''на мэна'' теневабто' тара, сидто' ни'' нельтебю''. Харто' тоенана манзаяндо' няю' сава есям' недвота''.

Тасу' яв' няна җокханда җоб'' ёнар'' юркад вата мат'' тонна ты'' җамзам' җыдавыць. Тарця планм' Мессо яха' няна хабарталвандо' җадиво''махад томдавэдо'. ООО «АЖААР» предприятий' җэвахана мэна Алексей Яптик тарем' лахана:

– Иры' ямбан' няхар'' юд' мян' мяд' тер'' турмы'' җэңгу''. Җокханда юр'' си''ив ю'' тонна ты''



Сидяңг: Марина Ярой' гадтавы

җамзам' җанэдаваць. Тикахат ю'' няхарто' едэй хабарталвахаха хадавы''.

«Ямальские олени» предприятийхана сямьхат җокам' җыдавыць. Таңок җокдамдо' тодо' хабарталлавнатомдавэдо'. Яр-Салыхана – самляңг юр'' тонна, Сеяха харад' няна – няхар'' юр'' тоннам', Юрибей' няна тет юр'' тоннам' томдавыць. Тарем' җобт' ма''ла''махад җоб'' ёнар'' няхар'' юр'' самляңг ю'' тонна ты'' җамзам' җыдавы''. Тэхэ''на тасла няхар'' ю'' җоб''

ёнарм' районханандо' хадавы''. Планадо' җопой ёнар'' сидя юр'' тонна җэвысь. Җокаюм' тыто' хэвдо' сава''.

Ямалханана'' җарка яна'' тигывна сямьхат мирець ты'' җамзам' ня''марпидо'. Хэвада сава җамзам' самляңг юр'' есявна тэмдабидо'. Харто тыдо' няд''мяць нина'' иламдо' нерня минре'', округна'' юнм' җани ё'' тигывна җадимдемби''.

Марина Яр'
падвы

Едэй цехм' мэта''

Нядаңгардахана едэй халы' цехм' нэвы''. «Северянка» нубета предприятие таяна манзаяңгу. Есядамдо' округна'' есь'' пәнэсяңгадмэ''-мы''. Халыхад тодо'' тэнз'' җавар сертаба пирта''.

Ямал' тер'' е''эмня мале самляңг по' ямбан' ООО «Северянка» манзара. Сиддо' няд''мяць яна'' тер'' лапкахат хуркари'' сава'' җаврадамдо' хось пирҗа''. Җобт' толаб'', самляңг юд' мян' җавар' тэнзм' җадимдемби''. Тикыдо' мал' маня'' яна'' халыхат (пырихит, идюрцяхат, пайхахат) сертабидо'. Тикы' хавна ехэрана халыам' (форельм') харто' вадаби''. Вадавнандо', җули'' җавыдо''җа, тарця халыам' җаворта'' ненэцяңг'' җарка таром' минре, сёнзито' мюй мэйрамби. Тандаярка едэй цехндо' мюня мале манзара хормэдонзь. Хусувэй җамгэдо' тас.

Тарем' лапкаха''нана'' хар''на'' яханана'' ня''амвы'' халэ тэмда пиртава''. Сертавыдо' хуркари'' җэңгу'': халы' банка'', котлета'', чипсы'', снэк'', тырабтавы'', сэротава'' халы''.

Җокханда Ямал' җардавна халыхад җавыдота җавар сертабадаңэ 14 предприятие'' тара''. Небой по' ямбан' җоб' сер' няхар'' ёнар'' тонна халэ мэ''мы'', ханяңыдо' – тэри ханибтевыдо', җанидо' – җавыдота'' җавраңэ пиревыдо', сэротавадыдо', тырабтавыдо'.

Галина Окотэтто'
падвы

Җарка соя''ма' яляда

Ненэй ненэцяңэ поңганана'' саць юнета нява'' тая. Хэ''ли' хумбанзьяда вадам' мэта ни җа''. Тарабата хэтуванда вадада хэ' тудрев' падар' ни' ха''морцеты. Пыда Анна Павловна Неркаги. Я' ханярина паднана неңэ теневадо', харе'' помнана'' ненэй ненэця' нява''.

Хэвы си''ив яляхана Анна Павловна Неркаги си''ив ю'' самляңг помда ядабтась. Тикы яля' мяканда хуркари'' ненэця'' турҗаць. Ханя, иланда' ямбан' сертавада, сертабадада толава' техэ. Пили'' нюрте''э' падвэвнанда торомдаваць. Тикыда маня'' ненэй ненэцяңэ нямнана'' җа''. Сяхаринда җод'' Анна Павловна' падвы'' җэрм' тер'' ила' саирм' техэ яхандо' тэврамбидо'. Хусувэй вада-

да падарт' мэввна ха''морҗа. Падвэвнанда кином' сертабиць. Школахана тохолкурта'' падвыда тохоламбидо'. Ти-

кыда ненэй ненэцие'' ила' нямна җа''. Сидта тет яңорэй' Нобелевской премиян' тидхалембиць. Падвыда юкад

вата самляңг вадан' тэврамбидонзь.

Анна Павловна Лаборовой' няна иле. Таяна җацекыда тохоламби, яля' ня' табедамбида. Иландо' саирм' нивандо' юрвандо' е''эмня харто' җэсыдо' тая. «Земля надежды» нубе''җа, таянд җока хибя иландамда хось.

Нянда хуркари'' ерв'' мядо''манзэ турцеты''. 2015 похона җэсыхыңдо' Патриарх Кирилл тэворҗась. 2021 похона округна'' җэвахана мэна ервава'' «За заслуги перед Ямалом» нювм' ми''җась.

Маня'', ненэй ненэцие'' редакция' терҗэ нябакана'', неяна'' ед' сейхад җэда'' вади җэдарамамбива''. Иланда сенз җэя. Тамна пон' падвэхэната сидна'' майбтамбая, хэвхананда тидхалембада җацекыта вабц'' пили'' соя''.

Марина Марюй' падвы



Сидяңг: Сергей Зубков' гадтавы

Ўпой яхана тохолкуць

Ямал' тигэвна илена" жацекы" нерняны иланганандо' тараванда манзаядамдо' тохолаванды Салехардан' тосеты". Таняна тохолко ядо' тания. Ямальской многопрофильной колледжм' нубе"жа. Иландо' нерняри' мижа. Нарка нидо' няць хуркари" яля' ня' нэда" серкана тара". Тандая' нядандо' нани' нопой сава юнм' намдаваць. Толаунось лохондо' мюня' ненадо мядондидо' ядабтамбавы".



Сидяру": Галина Кинчина' тадтавы"



1975 похона яна" ерво" ватовна педагогической училищем' Анатолий Зверев' нумгана ненадумдадонзъ. Пыда нани' танияна тохолковы яна" тер.

Неноховавна жацекы тохоламбадаңэ тараванда" танияна мэвыць. Пыдо' тохолкова' яндо' невхы" иле"ми тензетеванды нубт' ма"лэвыдаць. Мядондаңэ ныхы" по"хо"на тохолковы" яндо' тер хамы". Ёкамбой пелядо' школахана манзарана" ненэця".

Тад тованда похона Салехардской педагогической колледж пили" нерде нэди"махаданда 95 поданда ханда. Тамальгана Совет" илам' нерня' минрена" ватовна тарця тохолкосъ' ям' серта таслаць, техникумнэ нубе"надонзъ. Сямьхат нерденаңэ 1938 похона си"ив илебей" ненэця" тохолковамдо' танияна ёльцевэдо'.

«Маяк для многих поколений» лахарёхонандо' тензетевэдо' нокка. Вадам' минревы хасава жацекы тарця вади мэ"нась:

– 1932 похона яра' иры' 14 яля' Салыгардахана педагогической техникум нэдимась. Тамальгэхэд нокханда хасава юр"тет по" хая". Ёка юнета" яна" тер" тид" нэда иландо' сехэрым' тюку ненадо тохолкова' яхад пэвэдо'.

Теда' товы" мядондидо' нопой нарка нямдо', Егерь Нина Михайловнам' манэць маймбавы". Пыда колледжхана 1978 поход манзара. Илебей ненэце хаби", нымси" вадан' тохоламбида. Сита няд"мяць тамна тодо" тэнз мэта" жацекы" Ямална" тер" невхы ила' саирм' торомдамби". Нина Михайловна хусувэй товы ненэцям' саву"нась:



Нюртей толым' мэта дипломам' Иван Григорьевич Истомин ня"амвэда.

– Алла Хосевна, Валентина Романовна, Вероника Егоровна, Валентина Иосифовна, тамна нани", тикы" мал' сава нини", мал' тюкона тохолкурнаць. Ямал яна" тигэвна манзара". Теда' мале пыдо' харто' тохоламбавы" жацекыдо' колледжан' тохолкованзъ турна". Тюку яля' маня" нубкана сиддо' тохоламбавыдо',

тохолко ня"мы нидо' сава ихина тензетембива". Сянок юнета" ненэця" тюкона тохолковакы". Нубедо' мал' теневаына". Ямална" е"эмня нули" нарка таром' минре". Ханянына" мале янгу", тарем' нод" тенейна", сертавы" манзаидо' пудандо' хаи".

Мядондахат Татьяна Власовна Гостюхина лаханась:

– Мань 1971 -1975 похо"на тохолкурнадамзъ. Сидна" табедамбавы", иланд' тидхалембавы" нарка нина" е"эмнана" варемдо' мэць манзараць. Нубедо' сяхангарт' нина" юраңгу", тикы" – Хельми Матвеевна Агонен, Мария Александровна Смирнова, Августа Михайловна Бабошина, Элеонора Исаакиевна Вакуева. Пыдо' мэ"мы" вадидо' тенад' иланганана" ненадумда"маңэ мэ"эйна". Хусувэй ненэць' савариңэ нэсь нида пирас", вэва иңута нани' тания. Жацекы тохоламбава' серкана сидна" тарем' табедамбасеты": «Яля' нянэрим' маниеда", таняри' енада". Тикырихина жацекы" нянда" инзелеңгу"».

По' тяхана колледжхана тохолкода" жацекы" тев' ёльцяңгана мядондидо' нани' натеңгудо', сававна ядабтамбаңгудо', таславы аляхана нубт' тэваңгуд".

Теневабцуна" хортава"

Ямал' тигэвна илена" Нэर्म' тер" юдимдей нарка паднавам' мэ"наць. Салыгардахана толаңгова' мякана тет тэнз" вадавна диктантм' падыбиць. Ненэй ненэця", хаби", тасу' хаби", нымса" вабц нопой яхана намдынаць. Паднава' серкана теневабцудо' тасламбиць.

Тюку пова" «Сензувна илева» поңэ" таславы. Нэдьбятэ ненэй вадавна падыбавэдо' сёбар" ненэце" нямна нась. Пыдо' сяхангарт' нопой яхана ни" нэди". Пили" пыхыдадо' мэйрамбидо'. Сенз нэвадо' таняд паңгды. Маня" нод" мал' невхы табеком' теневава": «Хабця"

мерета, ныхыта ненэцям' пилю"надо».

Салыгардахана ненэй вадавна толаңгодаңэ Яр Марина, «Нярьяна Нэर्म»' нермбэртя тарась. Хаби" вадавна – Яковлева Аллина, «Лух Авт» газета' нэвахана мэна. Тасу' хаби" е"эмня Евгения Сморгунова, «Ямал-Медиа»'

юне тэволана толаңгурнась. Нымси" вадавна паднаана" Ирина Кожевина' толабадам' падыбиць.

Ханзер" паднавамдо', хибя танияна мэвам' тамна сомбовна тад тованда газетаханана" падыбаңгува".



(Нердена пеляда
1 стр. џа)

Їуда, терџа ня"марпаидо: мерета" буран", еся", медаль", ненадумда"ма" падар". Сямянхат нерня, Ямальной район, «Харп» община, тер" ха"мыдаць. Їобнзер" 250 ёнар" есям, ня"маць. Нябимдей" Надымской район, нюртей коман-дась. Няндо, 175 ёнарм, ми"џаць. Няхаромдэйм, МОП «Ярсаляное», ед, сянакода" ханадонзь. Пыдо, џобтики Ямальной район, тер". Ня"мавэдо, юр" ёнар" есясь.

Їэдалёда" не" поџ-гана Пэ" няд џэда Нина Лаптан-дер мере"џась. 1600 метра

хунадм, џопой минута 52 секунда пэрџадась. Пуданда Ямальной район, няд ядэртаха, џадимяханзь. Таисия Вануйта џопой секунда, пирувна ха-ись. Неждана Салиндер сидя секунда, пиран'.

Тюку по' не" ныхыдырџаць. Їыд' харад, тер Марина Яун-гад няхатата мэбе"мысь. Їоя, харад, тер Зоя Тэсида няби Хальмер" Седе"э, тер Снежана Худи ныхыдырџь пямди, моёв-на ня"амбихинзь.

Їэдалёвы" хасев" поџгана Надымский район, тер Влади-мир Хатанзеев нердесъ. Їопой минута, 49 секунда мимысь. Ямальной район, терха, Ти-мофей Сэротэтто няби Сер-гей Япстик џопой секундам, поё"џаханзь.

Яркулавахана Яр-Саля, тер Песемя Сэротэтто, тынзя, ми-наць хан"џась. Тюрм, 15 мэва яркадась. Сямянхат

џокадо, џод" юкад вата самляџгась. Панаевск, тер Александр Хо-роля, ярквэда юкад вата те-тась. Пэ" няд товы Алексей Тай-бери юкад вата няхарм, яркась.

Таротухат ва"лэй Лев Езынги. Надым-ской район нюртей команда, ед, ся-накусъ. Нябим-дей ян, СПОК «Харп» - хана мэна

По' ямбан, џате



нертевы": ТСО КМНС «Харп», Панаевск-1, Панаевск-2.

Ты џэхэна џэдалёвы", ныхыдырмы", сюрамбахая няхар" мэва санармы", хано санарпавы", таро"мы", яркулавы" ненэця" сне-гоход ня"марпиць. Лам-битавахэ", этнобиатлон-хана мэвэхэ" палатка, электрогенератор ми-пиць. Таддикахад нябим-дей няби няхаромдэй ян, ха"амвэхэ" 50, 40, 30 ёнар" пир" есявна мипиць.

ТЕЦЬВАМДА ПОН' ТЕНЕЇГУВА"

Небойхаданда ёльце тецись, џудина", сядона" таминдо, ханиворџаць. Тадтаџго мэта", телефон"

таросьялворџаць. Нюртей яля-юмгана сабе тецись, тад хуняна џодькоця хаер" сидна" юдабись. Яля, ямбан, пихина нувы" хани-мыць. Выџгад ядэрта нем, хо-дамзь. Лаханаковани, сер, тарем, масъ:

— Сянакова, яля иба ирыхына џэбта тара нив". Тедахав, та, ед, ни џа". Їацекы" хаџгурма, ёльць-ва. Тарси" иба, то"олха џэџгу, мерцяхана џацекы" хаџгулаџга", нёходо, мюня падирџа". Неры" ядембада" мякад товы" ханимя". Тамбирувнанда теци, тамна хал". Яра ирыр харта мерця, тецьда иры. Яляда ямбарканэ ханаць пэва, сер, сертаба тара, џацекы" сюрберта"ма, ненэця" таџга ядэрта"ма. Тедахав, ханяџыдо, мяка"нато, џамды", тают" ним". Таремгав, мал, сырман, харва" ним". Ханяџы" тецьдахана, мер-цяхана минзь сядодо ханьпи". Пи, сабе теци. Таяд иб" яляхана џэдалаџгун, буранахана пон, нинав минд". Сяймар таянью". Мят тер" џока џэб", џамгэ мер, џэдалаџгун. Їамдотаб", хананд мю, џамдотава, ёльцяџгана на-џэда час хан"џа. Їоб, мимб", час-хана мале џаха" тэваџгун. Тикан-да ти џэнив", таџгун ян, минда" џадьбьта пэвсюмдереџг"ним". Яляда џод" саць ямб вуни џа". Таминда пэвсюворџа. Їам-гэтикым, мирдапаб", џопой яхана нува, то"олха вуни џа". Таси", џэни" џыл, матрасм, лехэбта-дамзь. Ханяџы" нина" со"окадо, тюхулџаць.

ТАРАНА ЇАМГЭДАМДО' ТЭМДАЦЬ

Халэ, џамзи, џоди мирдапада" џокахав" џокаць. Ты", тёня", нохо, хоба", пена", мальця, џоба", бурка", ни", тамна џани џаво мирдапиць. Хэвханандо'

Александр Сэротэтто ха"мыць. Тампаня Сэротэтто МОП «Ярсаляное», няд ядэрта няхаромдэась.

Ныхыдырмам, Сергей Яр Тасу, я, тер ханадась. Пыда Лев Езынгим, няби ТСО КМНС «Харп» хана мэна Артём Ногом, нэкалџась.

Хано санарпавахана Сергей Лаптандер џока ханм, санась. Пирдалевэда 245 ханась. Григорий Пуйко 227 ханм, мэсь. Пыди, сидябты, ТСО КМНС «Харп» хана мэџаха". Виталий Вануйто 208 ханм, санась. «Ханимей» ед, сянакусъ.

Сюрамбахая няхар" мэва санармахана Пяку" яхад товы Николай Пяк, Нядэй яхана илена Святослав Анагуричи, Сёяха, тер Виталий Вануйто џаха" санэйдаць.

Ламбитани" поџгана МОП «Ярсаляное», Панаевск-1, Приураль-ской район мерець сюрберџаць. Этнобиатлон-хана нидо,

ена"махадандо'

Сидянт'. Анна Яптик' тадтавы"



сюрна" етри' танияць. Минарта" падкудо' терсавэй ханабидонзь. Мирдапада" џамгэридо' пирамдавы сыра' ниня лехэб-тамбидонзь. Няюдандо' тёр" џобџгэв' соць: «Халя тара?» «Їамзаданда" тэмдада"!» «Сэр" пена" тара?» «Мирта сян?» Ядэрмани сер' хонрамбинась, тэмдорта" таниянакы", нинякы". Ма"нисям": «Хан"лэйдо'. Мире-кава мире"џама. Тюку илаџгана хусувэй џамгэри мирес"нив, лаб-кахана мирџадам' вунин хоџгу". Хой' няна џод" халя" харе" ватабада", ты" харе" вадабада", ненэй ембдяр", хуркари" мирв" харе" нудаха"на сертабада".

Тарка Саля' няд џэда" не" лидяџг" џоба, џацекеы" бурка, џодякохот паџгалмы џаво мир-дапвыць. Тёняџы хаби" яхад товы" сесавэй хар, тобџева-хад сертавы ни тэвравыць. Си"ив Харв хардахад товы не лимбика џэ" малко тавысь. Саляџгарад' тер тарџа вадам' мэ"џась: «Тэмдорта" турџа». Те-няна Їэдя' тер" турџаць. Тэмбой, тобџева, хорова' хоба тэмдаць. Выџгад ядэртахана тарана џока. Таџгвахандо' џахакуд тэмдорџа". Їамгэн' харва", ярмаркахана мал' хомбидо'».

ЛАБАКМ' МЕР' СЮРТЕДО'

Смянхат ма-ниенава" тэхэ"на џэ-далёрма џэсеты. Ня-ваталаџго пирдырмадо' сидя яля' миџась. Нер-ня Ямал' няд, Пэ" няд товы џэдараambiць. Тад хунына Нядэй я' тер" хан"џаць. Мале сян по' тя-хана поса' хабџа' џадима' пуд тарем' тодо" яха"на џэдарамба таславыдонзь. Сидя яля' сер' не", хасава" џэдалыць. Їани" пото' тотрев' сюрхалаџгана", мантырта", тыдо' пэбтаџгана", пелей" инядо' ныдаџгана", џобт' теберта" танияць. Тэри сыртаха"на хусувэйдо' ва"лэйрахась.

Їыхы яхад пролив Малыгин' няд товэхэ' џэдалыхынзь. Арка-дий Окоеттто няби Тади Лап-тандер Сёяха' выџгад џаха'. Нябиюм' мята џарка Яхады яха' хэвхана џа.

«Їули" сававна тодм'. Їопой" џэдалё нята нями си"ми пэда-кабтарка, пелей"яда тархалтй". Сехэры' хэвня хаџядм' талва-хар". Їавэдаана нензаминдя-ми нэкалџав. Їобџэ' џэдалё



торомбэядм', сид"мана вунива" џэдалёсету". Хани хань"џадм', сёбями пэдакабтёваџгданда вуньсяв мэс". Їудахабини саць ни" ханив". Їюртей тюкон' тэваваими, тыни ехэрадама. Тедахав' манэ"янва, нябимдей' тарем' вуни џэџго". Си"ив я' тер" ма"люрџаню", сехэрэва" ёльце салмуй џэбта тара нив", тедахав' саць сававна нивыдо' салмра"», - Тади Лаптандер инда ядэрабџо вадэ"џась.

Яр-Саля' няџы вымна мю-серта Лариса Лаптандер не

нюнда ня' џэдалыхынзь. Пыди' сидди' џобкана џэдараць. Не нююм' Людмила то"махаданда ма"нисяв:

– Небяни тыда вэнола нул-тэйдаць. Ненэџа" тайна нувыць, хабте"эда нядандо' сейдо' хэвыць. Мамани пелей" иняда ныклысь. Нензаминдяда лакри' нултада. Пелейда нявота"махадандо' џа-ни' лакри' нулта"нидом". Мань пумнанда миџадамзь, тамби-рувна тид" ми"махадандо' тыни џопой ян' хасерџад". Лабакари' вунидм' сюрте". Нензаминдями тэмгась. Небой по' несэй ты мэ"џадамзь. Їамгэри хан' ни' џамдхав, тарем' џод" пиртав.

Анна Яптик' падвы





Тэхэ"на манслана" мянадыш"

Дюлкат ва'та кашем'дюл мяналта", шанат дют ты" кан". Надым' нимита калтыхина тэхэ"на манслани" шана'кома дялям мэ'наш". Чики празниким Надымхана манье няхаддючимты мэмаң шедтаматун. Чуки похона поңкнантун мянадыш Ямална җалка ведв Кубок' митумантун мэты шанат дяхат мэна" Җәдм' чел" неша" тоңаш".

Җопшел кашем'дю"дяңкня команда", дюлкат ва'та кашем'дюл мяналта". Надымхана шана'кома дялям шича дялән дямпан мэ-нэтоньш. Маня" Пуровский' районхатна мэна команда җуп-чики мянадыш. Празникхана хынидмантун мэт Надыман шанат тэмс неша" тоңаш". Недьчезей дядяханантоң тың кан'ну" парад' шедтаңаш".

Чуки похона чет'дяңкня кан". Мюшинатлям җуп пум-на миньдыш", тытун топдыма", кан'нутун дёдышемэкат". Празник-кан томы" нешаде" Ямална җалка ведв Дмитрий Артюхов поздравийдыташ. Пы'та мяналмантун мэт томы" нешаңк мунуш хома, лимп'та" вачи" мэ'наш. Празник-хана шанат плошадка таяңаш". Тэхэ"на манслани" дялән томы" нешай" хомана ныптакомаң мэты, кулкади" мероприятия" шедтаңаш". Хэтмайтуң җамыкутуң җычимчемпюта" тадымэ'наш", җамлу" мичилпёта". Чуки похона «Кочующая семья - 2026» нимита конкурсхана җопшел шитчет мюшалта" мятчел" мянадыш. Чики конкурсхана мянадыш шича мятчел нэхэдэ – Климовы Приуральский районхат мэна, Талигины Шурышкарский районхат томы".

Чикиң камна неңи паныдю" конкурсхана демьпчалутун җычимче'наш". Паныдөтуң, пемитун дёдыше мэкат, чупей" медьмана хэтмы". Талдыша празникхана пиди вильта - тың канхана няматадукудма. Няматадукудыш касам", неңи" мянадыш". Тың канхана җайталдөш чепидмы" поңкна җайвахай местам' җай Надымский' районхат мэна Владимир Хатанзеев канаңата. Непоң пы'та җупчики нэхэдэш. Няматадукудыш мяналды" ни" поңкна Нина Лаптантер Приуральский районхат мэна җайвахай местан ка'амдыш. Шича дялән дямпан мяналта" шана'куш": няхад ха'мхана ха'мудыш", нэхэлумпиш", шалди" җылна нюмкупёдыш пы'татун конулпиш", нялән паңк вядкулпиш", кан'ну" нимня ха'мудыш", этно-биатлон-хана мянадыш".

Пуровский' районхат мэна" нена" няхад ха'мхана ха'мудта" нешади" поңкна мянадыш җайван ка'амдыт. Калподкат мэна Николай Пяк җайвахай местам канаңа. Пы'та няхад ха'мхана 9,61 метраң кунат ха'мдыш. Николай дёдыше нюңк, ха'мудмам хомана

чедимяңа. Нэхэдманта де'эмня пы'та снегоход' мячисайҗа. Тың канхана җайталдөш җайвахай местам' канамы", шана'ко мянадыш нэхэдмы" то-тун милдита" мячисы" ня-ам'наш".

Ямална җалка ведв Кубок' чуки похона Ямальский' районхат мэна" нешади" команда ТСОКМНС «Харп» канаңата. Пуровский' районхат мэна" нена 20-21 февральхана җай мяналты". Таньдөдышкана Талдахана ты" падильта" нешади" дялям «День оленевода» мэт'нама". Шича дялән дямпан Җәдм' чел" неша" поңкнатун шана'ко мяналды". Талдыша ныптакома дядя - пиди хома дядя. Празникан томы" неша" куптат ниня манымайтуң нетун кошту", няханатун дөдимяшопшту", поңкнатун нэхэмтун, нюңк җаймямтун конулдөш мянадышту".

Андрей Пяк
патмы




Нардалё

(Нердена пеляда 5, 6, 7
номеркана җа)

Тюку ямидхы лаханако Ензя'
няна Усть-Енисейской районха-
на илена ненэцяҗгад намдавы.
Вадандо' хэтыр" хаця яңга.
Толангобта", инзеленарахата"
нэҗгуда". Вадидо' лаханавандо'
сер' падвы".

Луса манма:

- Нардалё, мань хэхэдм.
 - Пыдар хибян?
 - Тари пэндъя тэвабададм.
- Няхар" юно хан чер җавори мин-
редм. Еся нэдакы, тавар нэдакы.
Хардами тайкуй. Хэхэсяда луса
ервами тая. Чикы тэвананадм.
– Пэндъя тэвабаданан нэбнант



җани, амгэ есям хоманчъ тая
хеван харвананю".

- Мань хэхэдм ейдант, таяна
еся" тари юсидахавапту.
- Пыдар хантан, есядами та-
тан?

– Нябиюм хэвду таидм еся-
дант. Есядани няби хэвду мыңгу
нинав.

– Хань", почками хаврад!
Почка ваном хавра җани,
Нардалё нуман чикы лусакочар

пакалй". Пи чаха чикана мэ.
Нардалё җани няхар" юно хан
чер авори чуняю янапаковна
ханайда. Ямгат танана пендм
малан Нардалё та хасерй". Ху-
на ялянанта хабей ервота нямта
паклеванчъ хэ" нив. Няби хаби
манма:

– Җахат мадамченко", Нардалёр
ни нэҗгу". Почка мюня ни хаңгу".
Черда тая?

– Чикана мэвонода. Почка
мюд вахалй":

– Мань Нардалёдм нидм җа".
Тари лусакочадм.

Хабей ервота манма:

– Нардалё сян выта җока. Не-
нэчам нельчембванта выта җока.
Мерку паклера"!

Чикы лусакоча яңга сивна
марнарида хая.

Няхаромтэй яляхана Нардалё
пендм малувна няхар" юно хан-
хана пэндъя хабей ервота нё син
хынрайда. Хабей ервота манма:

– Нардалё, хучер" выдвэр?
Хучерув" есядана" тэвран, юна-
дава" тан? Тамна җавар нэдакы.
Нардалё манма:

– Юнахав ничъ писиде". Харни
мадамчъ, няхарпой юна нэя, по-
ёрчъ мэсодана".

Хабей ервота манма:

– Серебруй еся" тасий марана
юсидахавапту, мань хэхэрчадм.
Җачекини сававна илелт" ним.

Амгэ ёльчҗгана Нардалёр ха-
бей ервота пихиня ядертаханта
ма" нив:

– Җоляку җачекид вадёвда-
вэй". Пыдхартар нён хань"! Та-
кы няр, нэдаптавэр, иле товнда ни
җа".

Нардалё яханта ямдэй". Ха-
даеда тамна илевы. Хадаемта
яханта танда. Чумна нэдалёрта
ненэчаңэ хая.

Та валакада.

«Ненецкий фольклор»
толангобцъ' мюд ханавы. 1976
похона Таймыр' няна
Тухард' тер,
Ямкина Мария Николаевна'
ваде"мы,
няданда К.И. Лабанаускас'
падвы

ОБЪЯВЛЕНИЕ

Ямалхана СВО' няна сайнорта" ненэцие", мято' тер" е"эмня җадимдевы" няд"ма"

КОНТРАКТНАЯ СЛУЖБА
6 700 000 Р
ПОЛНАЯ ИНФОРМАЦИЯ ПО ТЕЛЕФОНУ
8 (902) 816-11-90
8 (34922) 3-98-08
ЗВОНОК ПО РОССИИ БЕСПЛАТНО

ЕДИНОВРЕМЕННАЯ ВЫПЛАТА НА ЯМАЛЕ
4 000 000 Р

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ
contract89.ru



Хобцоко”

Таслара”, хурка вада” сюры”?



НЁ



”

Р



Я=А



~~ХАВО~~



ЦЬ



А



Ѓ=С

Татьяна Сэротэтто’ сертавы”

Хад’ помна тута”

Маянд’ еремдам’ нядаванзъ
«Ямалспас»’ тер” хэсеты”.
Манзаранидо’ сяхаринда
лэтэсеты”. Няд”маданда
хандам’ ъамгэри серкад
нэдасетыдо’. Хусувэй
хибям’ няда пир”мандо’
няю’ етри’ тоходансеты”.

Тосакабтёда серкат ненэ-
ции нэдабада” манзаямдо’ ъоб’
вадецетыдо’. Ма”ним”, сыра’
ёхоборта”, буранадон’ я’ понд’
тахангана”, таркангана” ъадибер-
цеты”.

Ѓобнгуна няндо’ «112» теле-
фонувна не лаханавы: «Вэса-
коми мята няю’ нэдалэяць. Яр-
Салыха’ няби Новой-Портха’
погана буранада тахарархавы».

Панаевск’ тер вадам’ нэдараваы:
«Яв’ мадабава’ ты танабава’ сер’
еся ханми таркэй”. Хардахад сидя
ю” пир” километр. Лекар” тара”.
Тода”». Тасу’ я’ няна Поёлава
яха’ вархана нэда мяк” хасава
нэдалавы”. Пуна сыггрёсъялмы.
Сита тиртянанохона, «Трэкол»м’
нюбета вездеходхана пюрмы”.
Пэ” няны Харсаим’ хэвхана ты
пэртя мырысавэй ям’ еде”мы,
буранамда тюхулць я”мавы. -40
тецьдахана хаяввы ханив”. Сидя
часри’ пюрмэдонзъ.

Тарця серт’ еремы «Ямалспас»’
тер” пюрцетыдо’, хосаясетыдо’.
Манзаранито’ погана ненэй
ненэциена” таясеты”. Пыдо’
няби” манзара нята” няха”нато’
неновна ъарка няд”ма”: выггы
иланд’ торомбэй”, сата тецьда,

синём’ ни” пилюс”, ям’ тенева”.
Таддикахад GPS-навигатор,
ми”мам’ падыбада мутра сиддо’
нядаби. Тикы мутра ъани’ мэць
тенева серо”џа”. Њадьбята
сиддо’ сяне” тохоламби”, табе-
дамби”. Таремли’ сямян ъам-
гэн’ хамэдёда”. Ненэця” ъод’
тангангу”ма, сиддо’ сававна лэ-
рамбвахадандо’ теневаггу”.

Ханяримна нэдалёрп”нанда”
сяхари’ тосада”. Маянд’ еремя
хубтада яггу”.

Анна Яптик’ падвы



Интернет’
мутравна сидна” хось
пирнада”, тюкон’
тюда”.



Сидягг”: Марина Яр’ тадтавы”

Газета «Няръяна Ѓэрм»	Главный редактор Яр Марина Тэтакучевна	И. о. генерального директора АНО «Ямал-Медиа» Каврук Татьяна Ивановна	№ 8 Подписано в печать 19.02.2026 г. Вышла в свет 21.02.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз.	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Заказ № 39 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32
			Газета выходит по субботам.	E-mail: nn@yamal-media.ru